

四庫全書

史部

欽定四庫全書

皇朝文獻通考卷二百八十八

輿地考 二十

廣西省

臣等謹按馬考以全州入古荊州域餘並列為南越蓋以五嶺為荊揚之南限其萌渚越城二嶺與廣西接壤故廣西自全州灌陽縣及興安縣以南實在古荊州之外自秦遣史祿鑿靈渠導湘離二

水始開其地逮秦併天下畧取陸梁地為桂林象  
郡史記索隱謂嶺南之人多處山陸其性強梁故  
曰陸梁則其地之荒僻而難治可知已兩漢而降  
郡縣日增編戶設官等於內地顧自通都大邑之  
外窾峒深阻若徭若獠若獠若仡若矜人狝人猗  
人山子之屬性習獷悍馴服為難唐始置土州縣  
官其酋長使世領之薄其徵入寬其文網然猶依  
嶮負固叛服靡常自宋訖明若儂氏之亂大勝峽

田州之役蔓延數世久而後定蓋勤師征者屢矣  
終未能使之服教畏神傾心効順也自登戎

朝版籍以來風俗移易民物誠和凡深林密箐重岡  
複嶺之區向之憑阻而梗聲教者今且熙熙皞皞  
共樂太平蠻烟瘴雨並洗濯於光天化日之下蓋  
聖朝德化之漸摩其入人也深矣

廣西明廣西等處承宣布政使司治桂林府領桂  
林平樂梧州潯州柳州慶遠思恩南寧太平鎮安

思明十一府歸順田州泗城思陵向武都康龍州  
等七州又置廣西都指揮使司領桂林等九衛全  
州等十守禦千戶所

本朝初因之設巡撫及布政使司按察使司皆駐桂  
林府與廣東共一總督降歸順田州思陵向武都  
康龍州為屬州順治十五年升泗城州為府雍正  
三年升鬱林州賓州為直隸州五年升西隆為直  
隸州八年仍降為屬州九年降思明府為州十二

年降賓州為屬州凡領府十一直隸州一各衛所  
俱以次裁併入州縣東西距二千八百十里南北  
距二千九百六十五里東至廣東肇慶府廣寧縣  
界一千二百六十里西至雲南廣南府土富州界  
一千五百五十里南至廣東廉州府靈山縣界二  
千四十五里北至貴州黎平府永從縣界九百二  
十里東南至廣東高州府石城縣界一千一百八  
十里西南至安南國界二千三百十里東北至湖

南永州府東安縣界三百四十五里西北至貴州  
南籠府永豐州界一千三十六里在

京師西南七千四百六十里

桂林府為省治東西距五百五十五里南北距五  
百里東至湖南永州府零陵縣界三百四十五里  
西至柳州府融縣界二百十里南至平樂府荔浦  
縣界一百八十里北至湖南寶慶府城步縣界三  
百二十里東南至永州府永明縣界三百七十里

西南至柳州府雒容縣界二百五十五里東北至  
寶慶府新寧縣界三百六十里西北至柳州府懷  
遠縣界二百十里自府治至

京師七千四百六十里明為桂林府

本朝因之領州二縣七

臨桂縣

附郭

興安縣

在府東北一百三十里

靈川縣

在府東北五十里



陽朔縣

在府南少東  
一百五十里

永寧州

在府西一  
百四十里

永福縣

在府西南  
一百里

義寧縣

在府西北  
八十里

全州

在府東北二  
百五十里

灌陽縣

在府東三  
百二十里

臣等謹按桂林八樹在賁隅東桂水出焉始見於

山海經厥後秦置桂林郡唐書謂江源多桂不生

雜木故立為郡其治在今鬱林州境是時統地甚廣故今桂林府境亦在所屬逮三國吳復置桂林郡治武安為今柳州府象州境晉徙治潭中為今柳州府境宋徙治中溜為今潯州府境齊徙治武熙亦為今象州境梁復徙治潭中至隋而廢皆無與於今之府境也梁天監六年置桂州元和志謂在蒼梧鬱林之境因桂江以為名大同六年始移於今治後遂因之舊唐書地理志以臨桂當秦之

桂林郡蓋未之深考云

平樂府在省治南少東一百八十里東西距九百  
四十里南北距二百七十里東至廣東連州連山  
縣界五百六十里西至潯州府平南縣界三百八  
十里南至梧州府蒼梧縣界二百六十里北至桂  
林府陽朔縣界十里東南至梧州府懷集縣界二  
百里西南至梧州府藤縣界四百七十里東北至  
湖南永州府永明縣界一百里西北至陽朔縣界

六十里自府治至

京師七千六百三十里明為平樂府

本朝因之領州一縣七

平樂縣

附郭

恭城縣

在府東北六十里

富川縣

在府東少北二百六十里

賀縣

在府東南三百七十里

荔浦縣

在府西少南七十五里

修仁縣

在府西少南一百二十里

昭平縣

在府南一百二十里

永安州

在府西南一百八十里

梧州府在省治東南八百里東西距二百三十里  
南北距六百三十五里東至廣東肇慶府封川縣  
界四十里西至潯州府平南縣界一百九十里南  
至廣東高州府信宜縣界四百二十里北至平樂  
府賀縣界二百十五里東南至廣東羅定州西寧

縣界二百六十里西南至鬱林州北流縣界三百九十八里東北至廣東連州陽山縣界四百八十里西北至平樂府昭平縣界一百五十里自府治至

京師八千五百三十二里明為梧州府降藤容二州為縣共領州一縣九

本朝初因之雍正三年改鬱林為直隸州以博白北流陸川興業四縣往屬凡領縣五

蒼梧縣

附郭

藤縣

在府西六十里

容縣

在府西南三百二十里

岑溪縣

在府西南一百八十里

懷集縣

在府東三百六十里

潯州府在省治西南九百五十里東西距四百十

里南北距五百二十里東至梧州府藤縣界一百

九十里西至南寧府橫州界二百二十里南至鬱

林州界一百九十里北至柳州府象州界三百三十里東南至鬱林州北流縣界二百八十里西南至鬱林州興業縣界二百二十里東北至平樂府永安州界二百六十里西北至柳州府來賓縣界二百八十里自府治至

京師八千四百十里明為潯州府降貴州為縣共領縣三

本朝初因之雍正八年以武宣縣來屬凡領縣四



桂平縣

附郭

平南縣

在府東一百里

貴縣

在府西南一百四十里

武宣縣

在府西北二百里初屬柳州府雍正三年分屬賓州八年改屬潯州府

柳州府在省治西南三百七十里東西距四百二

十五里南北距八百三十里東至平樂府修仁縣

界二百六十五里西至慶遠府宜山縣界一百六

十里南至潯州府貴縣界二百七十里北至湖南

靖州綏寧縣界五百六十里東南至潯州府武宣縣界一百八十里西南至思恩府遷江縣界一百二十里東北至桂林府永寧州界一百三十里西北至貴州黎平府永從縣界五百六十里自府治至

京師七千八百六十里明為柳州府共領州二縣十本朝初因之雍正三年升賓州為直隸州以來賓遷江上林武宣四縣往屬十二年仍為屬州與遷江

上林改屬思恩府以武宣改屬潯州府以來賓仍  
來屬凡領州一縣七

馬平縣

附  
郭

雒容縣

在府東北  
六十里

羅城縣

在府西北  
百九十里

柳城縣

在府西北  
八十里

懷遠縣

在府北  
百三十里

融縣

在府西北  
百五十里

象州

在府東南一百三十里

來賓縣

在府南一百八十里雍正三年改屬賓州十二年還屬柳州府

慶遠府在省治西南五百七十里東西距四百七

十里南北距二百九十里東至柳州府柳城縣界

四十里西至貴州都勻府獨山州豐寧下土司界

四百三十里南至思恩府上林縣界一百二十里

北至柳州府羅城縣界一百七十里東南至柳城

縣界七十里西南至思恩府安定土司界一百六

十里東北至羅城縣界五十里西北至都勻府荔  
波界三百二十里自府治至

京師八千八十里明為慶遠府領州四縣五土司三  
本朝初因之雍正十年以荔波縣改屬貴州都勻府  
凡領州二縣三土州二土縣一土司三

宜山縣

附郭

天河縣

在府北少東  
一百十里

河池州

在府西二  
百五十里

思恩縣 在府西北一百五十里 順治九年移縣北境十五年復還今治

東蘭州 在府西南四百二十里 雍正七年改設流官

那地土州 在府西南三百四里

南丹土州 在府西北三百四里

忻城土縣 在府南少東九十里

永定長官司 在府東南六十里

永順正長官司 在府西南三百里

永順副長官司 在府東北四十里

南寧府在省治西南一千七百六十里東西距四百三十里南北距三百三十五里東至潯州府貴縣界三百四十里西至太平府羅陽土縣界九十里南至廣東廉州府欽州界二百七十里北至思恩府武緣縣界六十五里東南至廉州府靈山縣界五十里西南至南安界三百六十里東北至思恩府賓州界一百二十里西北至思恩府白山土司界三百十里自府治至

京師八千三百十二里明為南寧府以橫州為屬州  
領州七縣三土司二

本朝初因之雍正十年以下雷土州及湖潤寨土司  
改屬鎮安府凡領州三縣三土州三土司一

宣化縣

附郭

新寧州

在府西  
七十里

隆安縣

在府西北  
二百四十里

橫州

在府東南  
二百四十里



永淳縣

在府東  
二百里

上思州

在府西南  
二百里

歸德土州

在府西北  
二百六十里

果化土州

在府西北  
二百四十里

土忠州

在府西南  
一百九十里

遷隆峒土司

在府西南  
二百四十里

思恩府在省治西南一千一百五十里東西距九

百九十五里南北距三百七十里東至柳州府來

賓縣界二百八十五里西至雲南廣南府土富州  
界七百里南至南寧府宣化縣界一百三十里  
北至慶遠府永定土司界二百四十里東南至宣  
化縣界一百三十里西南至太平府龍英土州界  
六百二十五里東北至慶遠府宜山縣界三百六  
十里西北至慶遠府東蘭州界二百四十五里本  
府境東西距二百十里南北距三十五里東界上  
林縣西界下旺土司南界武緣縣北界興隆土司

自府治至

京師九千四百里明初以思恩州屬田州府永樂三年改為直隸州正統五年升為思恩府尋改為軍民府七年移治今府北境白山土司界弘治末改設流官為正府嘉靖七年始移今治萬厯以後領州二縣二土司十其田州為直隸州賓州改屬柳州府

本朝康熙初以鎮安泗城二土府及直隸田州歸順

向武都康諸土州來屬五年又以西隆州西林縣  
來屬雍正五年改泗城為正府改西隆為直隸州  
以西林縣往屬七年改鎮安為正府以奉議歸順  
二州向武都康上映三土州小鎮安土司往屬十  
二年以賓州及遷江上林二縣來屬凡領州一縣  
三土州二土司九

武緣縣

在府南  
七十里

賓州

在府東一百五十里初屬柳州府雍正三年  
升為直隸州領遷江上林來賓三縣十二年

改屬思恩府

遷江縣

在府東少北二百八十年初屬柳州府雍正三年分屬賓州十二年改屬思恩府

上林縣

在府東一百八十年初屬柳州府雍正三年分屬賓州十二年改屬思恩府

上林土縣

在府西南二百七十年移今治縣東境順治十八年移今治

土田州

在府西四百五十年移今治

白山土司

在府東北八十年舊治今司西南境明末移西境本朝康熙十八年移今治

古零土司

在府東北八十年

安定土司

在府東北一百六十五年

興隆土司

在府北  
七十里

那馬土司

在府西北  
九十五里

舊城土司

在府西北  
一百五十里

定羅土司

在府西  
一百四十里

下旺土司

在府西二百十里舊治今司  
東北境順治五年移今治

都陽土司

在府西北  
六十里

太平府在省治西南二千五十里東西距四百八  
十里南北距二百八十五里東至南寧府宣化縣

界二百三十里西至安南界二百五十里南至南  
寧府土忠州界七十里北至南寧府歸德土州界  
二百十五里東南至南寧府遷隆峒界二百里西  
南至安南界二百七十五里東北至南寧府隆安  
縣界二百六十里西北至鎮安府都康土州界二  
百二十五里自府治至

京師一萬四百二十五里明初為太平府設流官自  
萬曆以後領州十九縣四

本朝初以思明土府及憑祥州暨直隸思陵州龍州  
來屬康熙二十八年省陀陵縣入永康州五十八  
年思明州改設流官雍正三年廢龍州為上龍下  
龍二司七年裁下龍土巡司移通判管轄九年降  
思明土府為思州十一年改思明州為寧明州裁  
思城土州移崇善縣丞駐守凡領州四縣一土州  
十七土縣二

崇善縣

附郭



左州

在府東北一百里

養利州

在府北一百五十里

永康州

在府東北一百八十五里康熙二十八年以陀陵縣省入

寧明州

在府西南一百二十里康熙五十八年改設流官雍正五年以思明府同知管州事

十一年改為寧明州仍設知州屬太平府

上下龍司廳

在府西一百八十里明洪武初為直隸土龍州本朝改屬太平府雍正

三年廢龍州析其地為上龍下龍二司各設土巡檢七年裁巡檢移通判治此

太平土州

在府西北一百十里

安平土州

在府西北一百三十七里

上下凍土州

在府西一百二十里

萬承土州

在府東一百五十里

茗盈土州

在府東北一百七十里

全茗土州

在府北少東一百六十里

龍英土州

在府北二百里

結安土州

在府東北一百二十里

佶倫土州

在府東北一百三十里

都結土州

在府東南三百八十里

鎮遠土州

在府東北三百二十里

上石西土州

在府西南一百七十里

下石西土州

在府西一百六十里

土江州

在府南二十五里

思陵土州

在府西南二百四十里明為直隸土州本朝改屬太平府

土思州

在府南一百二十里明洪武元年升為思明土府本朝改屬太平府雍正元年改

為土思州

憑祥土州

在府西南二百三十里明永樂二年為憑祥縣成化十八年升為州屬思明府

本朝改

屬太平府

羅陽土縣

在府東北二百里

羅白土縣

在府東南五十里

鎮安府在省治西南一千三百五十五里東西距

三百四十一里南北距二百十里東至思恩府土

田州界一百五十一里西至雲南廣南府土富州

界一百九十里南至太平府龍英土州界一百二

十里北至土田州界九十里東南至土田州界一  
百三十五里西南至安南界二百二十里東北至  
土田州界九十里西北至土富州界二百里自府  
治至

京師一萬一千四百九十五里明為鎮安土府

本朝康熙二年設流官通判管府事屬思恩府雍正  
七年設知府以奉議等州來屬十年以下雷土州  
來屬乾隆三年增置天保縣三十一年改置小鎮

安廳凡領州二縣一廳一土州四土司一

天保縣

附郭乾隆三年以  
府地置縣為府治

奉議州

在府東北二百里初屬思  
府雍正七年改屬鎮安府

歸順州

在府西南七十二里初屬思恩府移  
今治雍正七年改設流官屬鎮安府

向武土州

在府東南百六十里初屬思  
恩府雍正七年改屬鎮安府

都康土州

在府東南一百九十里初屬思  
恩府雍正七年改屬鎮安府

上映土州

在府東南一百五十里初屬思  
恩府雍正七年改屬鎮安府

下雷土州

在府南少東一百六十里初屬  
南寧府雍正十年改屬鎮安府

小鎮安廳

在府西一百五里明設土巡司本朝初因之乾隆三十一年裁土司設通判

此治

湖潤塞土司

在府西南一百八十里設土巡司本朝初屬南寧府雍正十年改屬鎮

安府

泗城府在省治西南二千四十里東西距六百五

十里南北距五百二十里東至慶遠府東蘭州界

二百里西至貴州南籠府普安州界四百五十里

南至思恩府土田州界一百五十里北至南籠府

永豐州界三百七十里東南至土田州界一百四十里西南至雲南廣南府界七百五十里東北至東蘭州界四百七十里西北至永豐州界四百里本府境東西距六百十里南北距五百二十里東界東蘭州西界西隆州南界土田州北界永豐州自府治至

京師一萬一千四十五里明為直隸州

本朝順治十五年升為泗城府尋改為泗城軍民府



屬思恩府雍正五年改設流官為正府以西隆州

西林縣來屬又增置凌雲縣凡領州一縣二

凌雲縣

在府北五十里雍正五年析府北境地置縣

西隆州

在府西北四百三十里康熙五年設流官改置西隆州移州西南境尋移今治屬思

恩府雍正五年升為直隸州八年改屬泗城府

西林縣

在府西五百七十里康熙五年置西林縣屬思恩府雍正五年分屬西隆州八年改

屬泗城府

鬱林州在省治西南九百七十里東西距二百五

十里南北距二百九十里東至梧州府容縣界六  
十里西至廣東廉州府合浦縣界一百九十里南  
至廣東高州府化州界一百七十里北至潯州府  
桂平縣界一百二十里東南至化州界二百二十  
里西南至合浦縣界一百四十里東北至潯州府  
平南縣界八十里西北至潯州府貴縣界九十五  
里本州境東西距七十里南北距一百四十里東  
界北流縣西界興業縣南界陸川縣北界潯州府

桂林縣自州治至

京師八千七百四十里明洪武中省州治南流縣入

州屬梧州府

本朝初因之雍正三年升為直隸州以博白北流陸

川興業等縣來屬凡領縣四

博白縣

在州西南九十里初屬梧州府雍正三年分屬鬱林州

北流縣

在州東四十里初屬梧州府雍正三年分屬鬱林州

陸川縣

在州南七十里初屬梧州府雍正三年分屬鬱林州

興業縣

在州西六十里初屬梧州  
府雍正三年分屬鬱林州

皇朝文獻通考卷二百八十八

欽定四庫全書

皇朝文獻通考卷二百八十九

輿地考 二十一

雲南省

臣等謹按雲南居古南交昧谷之間為蠻夷之域  
自彩雲南見肇啟漢疆所謂度博山而越蘭津者  
此雲南之始通也兩漢以後稍增置州郡而時沒  
於蠻馬氏四裔考南蠻內所列南詔驃國及東爨

西繫諸蠻皆今雲南地而輿地考梁州境內之姚州即今姚安府其戎州都督府之羈縻三十二州又半為今雲南曲靖澂江臨安楚雄諸府地是今雲南一省馬氏輿地四裔二考實互載焉蓋其僻處西南本不在古九州之限雖有羈縻諸州實與中土郡縣不同逮天寶以後且盡為南詔所有則其入之於四裔固宜也自元迄明始開置路府徧設官司然半猶土酋世守元則以同姓諸王董理

其事明則以沐氏世為重鎮第視為藩服而已

國家聲教四訖越裳交趾悉貢悉朝是以萬里滇南  
宛同腹地我

皇上德威遠播綏靖炎荒象譯諸蠻咸思內面近者九  
龍江外掃蕩莽夷凡猛勇猛童補哈猛撒整賣景  
線諸地方從古所視為化外者莫不向風慕義相  
率輸誠版籍之遙直踰南徼彼前代所為標銅作  
界畫斧分疆者又豈可同論哉



雲南明雲南等處承宣布政使司治雲南府領雲南澂江廣西廣南鎮沅臨安大理楚雄順寧蒙化景東永寧十二府武定曲靖尋甸元江姚安永昌麗江鶴慶八軍民府北勝一州又置雲南都指揮使司領雲南等十八衛又置瀾滄騰衝二軍民指揮使司領木密關等處七守禦千戶所

本朝初因之設雲南巡撫及布政使司按察使司皆駐雲南府設雲貴總督兩省互駐康熙元年專設

雲南總督駐曲靖府四年復為雲貴總督駐貴陽  
府兼轄雲南八年降尋甸府為州屬曲靖府二十  
二年移雲貴總督駐雲南府三十七年升北勝州  
為永北府以永寧土府屬於永北府雍正二年改  
威遠土州為直隸同知廳四年改四川之東川軍  
民府來屬五年又改四川之烏蒙鎮雄二軍民府  
來屬六年降鎮雄為州屬烏蒙府七年置普洱府  
又定雲貴總督兼轄廣西八年置開化府九年改

烏蒙府為昭通府十三年令雲貴總督停轄廣西  
乾隆元年定雲貴各分設總督十二年仍為雲貴  
總督三十年定武定曲靖東川元江永昌等府俱  
罷稱軍民府三十五年省姚安府入楚雄府省鶴  
慶府入麗江府改廣西武定元江鎮沅四府俱為  
直隸州改蒙化永北景東三府俱為直隸同知廳  
凡領府十四直隸州四直隸廳四各衛所俱以次  
裁改入州縣東西距二千五百十里南北距一千

一百五十里東至廣西泗城府界七百五十里西  
至神護關接野夷界一千七百六十里南至交趾  
界七百五十里北至四川會理州界四百里東南  
至廣西鎮安府界一千一百四十里西南至天馬  
關接緬甸界二千三百十里東北至貴州普安州  
界四百三十里西北至西藏界二千里在

京師西南八千二百里

雲南府為省治東西距三百七十里南北距二百

九十八里東至澂江府路南州界一百二十五里  
西至楚雄府廣通縣界二百四十五里南至澂江  
府新興州界一百五十五里北至曲靖府尋甸州  
界一百四十三里東南至澂江府河陽縣界八十  
四里西南至楚雄府南安州界四百二十二里東  
北至尋甸州界二百三十里西北至武定州界一  
百六十里自府治至

京師八千二百里明為雲南府領州四縣九

本朝初因之康熙八年省歸化縣入呈貢縣省三泊  
縣入昆陽州雍正三年又以三泊縣故地改入安  
寧州凡領州四縣七

昆明縣

附郭

富民縣

在府西北  
七十里

宜良縣

在府東一  
百二十里

羅次縣

在府西北一  
百三十里

晉寧州

在府南  
九十里

呈貢縣

在府南四十里

安寧州

在府西七十里

祿豐縣

在府西北二百十里

昆陽州

在府南一百二十里

易門縣

在府西南二百五十里

嵩明州

在府東北一百三十里

曲靖府在省治東北三百里東西距三百九十里

南北距六百二十里東至貴州南籠府普安州界

一百七十里西至雲南府嵩明州界二百二十里  
南至廣西州界一百七十里北至貴州大定府  
威寧州界四百五十里東南至普安州界二百五  
十八里西南至澂江府路南州界一百三十里東  
北至威寧州界二百七十里西北至武定州祿勸  
縣界四百六十七里自府治至

京師七千九百里明為曲靖軍民府領州四縣二

本朝初因之康熙八年降尋甸府為州來屬又省亦



佐縣入羅平州三十四年增置平彝縣雍正五年  
增置宣威州乾隆三十年裁軍民府之名稱為曲  
靖府凡領州六縣二

南寧縣

附郭

霑益州

在府北三十里元置霑益州在今宣威州境此為交水縣地本朝順治十六年移

今治

陸涼州

在府南一百二十里元置州舊治今州東北境本朝康熙五年移今治

馬龍州

在府西南五十里

羅平州

在府東南二百七十里

尋甸州

在府西一百三十里明尋甸軍民府舊治今州東境後移今治 本朝康熙八年降

為州  
來屬

平彝縣

在府東北九十里明置平彝衛本朝康熙三十四年改為平彝縣

宣威州

在府東北二百三十里雍正五年析霑益州地置州

潯江府在省治東南一百二十里東西距二百三

十六里南北距一百七十五里東至廣西州彌勒

縣界二百里西至雲南府晉寧州界三十六里南

至臨安府寧州界一百二十里北至雲南府呈貢  
縣界五十五里東南至彌勒縣界二百五十三里  
西南至臨安府甯縣界二百十五里東北至雲  
南府宜良鄉界七十里西北至呈貢縣界一百三  
十里自府治至

京師八千三百二十里明為潞江府領州二縣三

本朝初因之康熙八年省陽宗縣入河陽縣凡領州

二縣二

河陽縣

附郭

江川縣

在府西南  
九十里

新興州

在府西一  
百二十里

路南州

在府東一  
百三十里

廣南府在省治東南八百五十里東西距七百二

十里南北距四百三十里東至廣西土田州界四

百二十里西至開化府廣西州界三百里南至交

趾界二百九十里北至廣西西林縣界一百四十

里東南至廣西鎮安府界二百九十里西南至臨  
安府阿迷州界四百里東北至廣西西隆州界二  
百十里西北至廣西州彌勒縣界三百里自府治  
至

京師一萬一千四百三十里明為廣南土府領土州

一

本朝順治十六年改設流官乾隆元年增置寶寧縣

凡領縣一土州一

寶寧縣

附郭

土富州

在府東二百六十五里

開化府在省治東南七百里東西距一千一百四十五里南北距四百二十里東至交趾界四百六十里西至臨安府建水州界六百八十五里南至交趾界二百四十里北至廣南府界一百八十里東南至交趾界二百三十里西南至交趾界四百十里東北至廣南府界二百二十里西北至臨

安府阿迷州界一百八十里自府治至

京師一萬二千五百里明為教化三部與王弄部安南部並為長官司隸臨安府

本朝康熙六年以三長官司地置開化府雍正八年增置文山縣領縣一

文山縣

附郭雍正八年置縣為府治

東川府在省治北五百三十里東西距五百里南北距四百二十里東至貴州威寧州界二百里西

至四川寧遠府界三百里南至曲靖府尋甸州界  
二百六十里北至昭通府界一百六十里東南至  
曲靖府宣威州界一百三十里西南至武定州祿  
勸縣界二百五十里東北至威寧州界一百七十  
里西北至四川會理州界四百五十里自府治至  
京師九千七百九十里明置東川軍民土府初屬雲  
南後屬四川

本朝初因之康熙三十八年改設流官雍正四年自



四川改隸雲南五年增置會澤縣乾隆二十九年  
裁軍民府之名稱為東川府領縣一

會澤縣

附郭雍正五年  
置縣為府治

昭通府在省治西北一千一百六十里東西距五  
百八十里南北距六百三十里東至貴州大定府  
威寧州界九十里西至四川寧遠府會理州界四  
百九十里南至東川府界一百三十里北至四川  
叙州府界五百里東南至威寧州界四十里西南

至會理州界九十里東北至叙州府筠連縣界五  
百里西北至叙州府雷波廳界四百里自府治至  
京師九千八百里明置烏蒙土府初屬雲南後屬四  
川

本朝初因之雍正五年與鎮雄土府並自四川改隸  
雲南六年改設流官增置恩安縣永善縣又降鎮  
雄府為州設流官來屬又增置大關廳九年改烏  
蒙府為昭通府又增置魯甸廳凡領州一縣二廳

二

恩安縣

附郭雍正六年  
置縣為府治

鎮雄州

在府東三百四十里明置芒部府後改鎮  
雄軍民府本朝雍正六年降為州來屬

永善縣

在府西北二百三十里本  
為蒙府地雍正六年置縣

大關廳

在府北一百八十里本為蒙府地雍正  
七年設通判治此九年改置同知臨治

魯甸廳

在府西南四十里本為蒙府  
地雍正九年移通判治此

普洱府在省治西南一千二百三十里東西距四

百三十里南北距一千二百四十里東至元江州

界二百五十里西至威遠廳界一百八十里南至  
緬甸界一千五十里北至鎮沅州界一百九十里  
東南至老撾南掌界一千四百十里西南至緬甸  
界一千三百里東北至元江州界二百二十五里  
西北至威遠廳界一百三十里自府治至

京師九千四百五十里明洪武十四年置車里宣慰  
司屬元江府明末為那崑所據

本朝順治年間編隸元江府康熙三年移元江府通

判駐此雍正七年始分車里宣慰司所轄江內六  
版納地置普洱府其江外六版納地仍屬車里宣  
慰司又增置思茅廳十三年增置寧洱縣乾隆三  
十一年以平定莽匪增置各土司凡領縣一廳一  
宣慰司一土司十五

寧洱縣

附郭雍正十三年置縣為府治

思茅廳

在府南一百二十里本蠻地名思茅村雍正七年始設通判治此十三年改移同知

治臨

車里宣慰司 在府南七百四十五里明為車里羈縻土府後改置宣慰司嘉靖間附於

緬本朝內屬復置今司隸於普洱府

六因土司 在普洱府邊外

倚邦土司 在普洱府邊外

易武土司 在普洱府邊外

普藤土司 在普洱府邊外

猛旺土司 在普洱府邊外

整董土司 在普洱府邊外

猛烏土司

在普洱府邊外

烏得土司

在普洱府邊外

猛腊土司

在普洱府邊外

猛遮土司

在普洱府邊外

猛籠土司

在普洱府邊外

猛往土司

在普洱府邊外自倚邦土司至此為車里所屬十二版納地皆附近九龍江左

右分授土守備土千總土把總等職有差與車里宣慰司並稱為十三土司皆隸於普洱府

孟艮土司

在車里宣慰司之外處九龍江之西古蠻地名曰孟指明永樂四年內附置孟

良霸糜土府其後為木邦所併嘉靖間附於緬不  
通中國 本朝乾隆三十年其地為莽匪所侵據

於三十一年討平之地皆內屬以其頭目名  
丙授土指揮使職隸普洱府及普洱鎮管轄

整欠土司

在車里宣慰司之外處九龍江之南  
本朝乾隆三十年其地為莽匪所侵據

於三十一年討平之地皆內屬以其頭目  
捧授土指揮使職隸普洱府及普洱鎮管轄

猛勇土司

在普洱府西境外處孟艮土司及整欠  
土司之中 本朝乾隆三十一年以平

定莽匪其頭目名齋等舉眾內附授  
土千總職隸普洱府及普洱鎮管轄

臣等謹按雲南邊徼之外諸蠻雜處種落各殊類

皆自相雄長自乾隆三十一年以莽匪侵擾附近



土司大兵討平之各部聞風內附願歸

聖化分置各土司其地皆在普洱元江及順寧永昌諸  
府之外其分隸於普洱元江二府管轄者已載入  
府屬其餘陸續添設者謹類叙於後

整賣宣撫司

在孟艮土司西南境外舊名景邁即  
八百媳婦國相傳其酋長有婦八百

各領一寨因以名部元初屢用兵征之以道路不  
通而遂後遣使招附於元統初置八百等處宣慰  
司明洪武二十四年置八百者乃宣慰司及八百  
大甸宣慰司永樂五年遣使至其境拒却不納曾  
以兵討之後遣使入貢嘉靖間附於緬自是朝貢  
不至其所屬有十八大猛十八小猛地周三千餘

里 本朝乾隆三十一年其頭目  
召齊約提舉衆內附授宣撫司職

### 景線宣撫司

亦古八百媳婦國地明嘉靖間八百  
國為緬所侵其酋避居景線名小八

百向不通中國其所屬有十猛地周一千八百餘  
里 本朝乾隆三十一年其頭目叻賽舉衆內附

授宣撫  
司職

### 六本土司

本整賣之地以地方遼濶自分為一部  
本朝乾隆三十一年其頭目召猛齊

舉衆內附授  
土守備職

### 景海土司

亦在孟艮土司西南境外向不通中國  
本朝乾隆三十一年其頭目召罕彪

舉衆內附授  
土守備職

猛撒土司

在順寧府南境外明時猛撒與猛緬猛稱為三猛萬厯間曾置猛撒土巡司

尋入於耿馬其後不通中國本朝乾隆三十一年其頭目喇鮮細利舉衆內附授土千總職

木邦土司

在順寧永昌二府西南境外耿馬孟定等土司之外為緬甸東路之門戶古蠻

地名曰孟都亦名孟邦元至元時置木邦路軍民總管府領三甸明洪武十五年改為木邦羈縻土府永樂初改置宣慰司於六宣慰中分地最廣其後數以從征功益地隆慶以後附於緬萬厯中復內屬尋仍入於緬不通中國本朝乾隆三十一年其頭目罕宋法等舉衆內附

蠻暮土司

在永昌府西南境外為入緬扼要之路古蠻地明初屬於木邦成化時為孟密

所有弘治時復為孟養所有萬厯間曾置蠻莫安撫司其後附於緬不通中國本朝乾隆三十一

年其頭目瑞  
團舉衆內附

大山土司

亦名波竜在永昌府騰越州南境外處  
龍川江之南本朝乾隆三十一年其

頭目壘管  
舉衆內附

猛育土司

在永昌府南境外處潞江之西附近木  
邦地方本朝乾隆三十一年其頭目

坤線舉  
衆內附

猛荅土司

在永昌府南境外處潞江之西附近木  
邦地方本朝乾隆三十一年其頭目

行轟舉  
衆內附

猛音土司

在永昌府南境外處潞江之西附近木  
邦地方本朝乾隆三十一年其頭目

行界舉  
衆內附

臨安府在省治東南四百三十里東西距五百七  
十里南北距四百八十里東至開化府界三百二  
十里西至元江州界二百五十里南至交趾界二  
百五十里北至澂江府江川縣界二百三十里東  
南至開化府界二百七十五里西南至元江州界  
二百九十里東北至廣西州彌勒縣界三百四十  
里西北至元江州新平縣界三百六十里自府治

至

京師一萬九百九十里明為臨安府領州五縣五

本朝初因之康熙五年省新化州入新平縣雍正九年以新平縣改屬元江府凡領州三縣五長官司

五

建水縣

附郭

石屏州

在府西  
八十里

阿迷州

在府南一  
百二十里

寧州

在府東北二  
百五十里

通海縣

在府東北一  
百五十里

河西縣

在府西北一  
百八十里

甯莪縣

在府西二  
百六十里

蒙自縣

在府東南一  
百五十里

虧容甸長官司

在府西南一  
百四十里

納樓茶甸長官司

在府西南一  
百八十里

落恐甸長官司

在府西南  
二百里

左能寨長官司

在府西南二百三十里

思院甸長官司

在府西南二百五十里

大理府在省治西北八百九十里東西距九百六

十里南北距二百二十里東至楚雄府姚州界二

百八十里西至永昌府保山縣界六百八十里南

至蒙化廳界七十里北至麗江府鶴慶州界一百

五十里東南至蒙化廳界一百三十里西南至永

昌府界一百五十里東北至永北廳界四百十里



西北至麗江府界六百二十八里自府治至

京師一萬一千四百五十里明為大理府

本朝因之領州四縣三長官司一

太和縣

附郭

趙州

在府南六十里

雲南縣

在府東南一百四十里

鄧川州

在府北九十里

浪穹縣

在府北一百十里

賓川州

在府東一百二十里

雲龍州

在府西五百里

十二關長官司

在府東三百里

楚雄府在省治西四百二十里東西距三百八十

里南北距五百二十五里東至雲南府祿豐縣界

一百五十五里西至大理府蒙化廳界二百二十

五里南至元江州界三百里北至楚雄府大姚縣

界二百二十五里東南至雲南府昆陽州界二百

三十里西南至景東廳界二百五十里東北至祿  
豐縣界一百五十八里西北至楚雄府姚州界二  
百四十二里自府治至

京師一萬一千二十里明為楚雄府領州二縣五

本朝初因之康熙八年省碯嘉縣入南安州雍正七  
年以定邊縣省入鎮南州十年增置碯嘉廳乾隆  
三十五年罷姚安府以其屬之姚州及大姚縣來  
屬凡領州三縣四廳一

楚雄縣附郭

鎮南州

在府西北七十里

南安州

在府東南五十里

姚州

在府西北二百四十二里明為姚安土府本朝初置姚安府治此乾隆三十五年罷姚

安府以州來屬

大姚縣

在府西北三百二里初屬姚安府乾隆三十五年罷姚安府以縣來屬

廣通縣

在府東七十里

定遠縣

在府北一百二十里

硿嘉廳在府南二百七十里舊硿嘉縣 本朝康熙八年省入南安州雍正十年設州判治

此

### 附鹽井提舉司

直隸黑鹽井提舉司在楚雄府西北一百五十里舊屬楚雄府康熙四十五年

改為直隸提舉司

直隸琅鹽井提舉司在楚雄府東北一百二十里舊屬楚雄府康熙四十五年

改為直隸提舉司

直隸白鹽井提舉司在里唐琴州故地元大姚縣地明置提舉司屬姚安府

本朝康熙四十五年  
改為直隸提舉司

永昌府在省治西一千二百里東西距六百九十  
里南北距一千一百二十里東至順寧府界一百  
四十里西至神護關接野夷界五百五十里南至  
孟定土司界八百七十里北至大理府雲龍州界  
二百五十里東南至順寧府界一百十七里西南  
至天馬關接緬甸界一千一百十里東北至雲龍  
州界三百五十二里西北至馬面關接野夷界三

百里自府治至

京師一萬一千八百十里明為永昌府又立金齒衛  
三十三年省府以金齒衛為軍民指揮使司嘉靖  
元年改為永昌軍民府

本朝因之乾隆三十年裁軍民府之名稱為永昌府  
凡領州一縣二土府一土州二宣撫司五安撫司  
三

保山縣

附郭

騰越州

在府西三百六十里

永平縣

在府東北一百七十里

孟定土府

在府東南八百七十里  
附於緬本朝初內屬

鎮康土州

在府南三百八十里

灣甸土州

在府東南二百二十里

南甸宣撫司

在府西南三百九十里

千崖宣撫司

在府西南四百八十里

隴川宣撫司

在府西南五百里  
明萬曆中入於緬本朝初內屬復置今司



蓋達副宣撫司

在府西南五百里明正統時置蓋達副宣撫司後入於緬本朝復

置今司

遮放副宣撫司

在府西南四百里

猛卯安撫司

在府西南六百里本隴川宣撫司地明萬厯中以蠻莫安撫司地為緬所

據安置其衆於此本朝改置猛卯安撫司

潞江安撫司

在府西南一百三十里

芒市安撫司

在府南三百二十里

順寧府在省治西一千一百五十里東西距三百

四十里南北距六百九十里東至景東廳界二百  
二十里西至永昌府灣甸土州界一百二十里南  
至車里土司界三百二十里北至永昌府永平縣  
界三百七十里東南至鎮沅州治一百五十里西  
南至耿馬土司界二百五十三里東北至蒙化廳  
治三百四十里西北至永昌府保山縣界二百二  
十六里自府治至

京師一萬一千六百二十里明為順寧府

本朝因之領州一乾隆十二年增置緬寧廳三十五年增置順寧縣凡領州一縣一廳一土司二

順寧縣

附郭乾隆三十五年置

雲州

在府東三十里

緬寧廳

在府南三百里明萬厯二十五年改置宣猛土巡司隸雲州本朝初仍置猛緬土

司改隸順寧府乾隆十二年設流官改稱其地為緬寧移通判治此

猛猛土司

在順寧府邊外南境明萬厯中置猛麻土巡司亦稱為猛猛本朝仍置土司

舊隸於永昌府乾隆二十九年改隸順寧府

孟連土司

在順寧府邊外南境明永樂時置孟連長官司正統時麓川土酋叛孟連附之

司廢萬曆時復置長官司本朝仍置孟連土司舊隸於永昌府乾隆二十九年改隸順寧府

附耿馬宣撫司

直隸耿馬宣撫司

在順寧府邊外西南境明末附於緬本朝初內屬改為直隸

宣撫司隸迤西道管轄仍兼屬於永昌府乾隆二十九年改為兼屬順寧府

麗江府在省治西北一千二百四十里東西距六

百七十里南北距七百八十九里東至永北廳界

四百里西至怒夷界二百七十里南至麗江府界

三十九里北至蒙番界七百五十里東南至麗江  
府界二百里西南至怒夷界一百二十里東北至  
永北廳界三百七十里西北至西藏界三百里自  
府治至

京師一萬一千七百六十里明為麗江軍民土府領  
州四縣一

本朝為麗江府省通安寶山巨津蘭州等四州臨西  
一縣皆入府雍正元年改設流官乾隆二十一年

以鶴慶府屬之維西廳中甸廳來屬三十五年增置麗江縣又改鶴慶府為鶴慶州與其屬之劍川州並來屬凡領州二縣一廳二

麗江縣

附郭乾隆三十五年增置為府治

鶴慶州

在府東南三百五十里明為鶴慶軍民府本朝初為鶴慶府乾隆三十五年降為州

來屬

劍川州

在府南九十里初屬鶴慶府乾隆三十五年廢鶴慶府以州來屬

維西廳

在府西北七十里舊入於西藏本朝雍正五年內屬設通判治此隸鶴慶府乾隆

二十一  
年來屬

中甸廳

在府西二百三十里舊入於西藏本朝雍正五年內屬設州判治此隸鶴慶府乾

隆二十一年改移  
同知臨治並來屬

武定州在省治西北二百四十里東西距三百六十里南北距三百三十九里東至曲靖府尋甸州界一百二十里西至楚雄府大姚縣界二百四十里南至雲南府羅次縣界三十九里北至四川會理州界三百里東南至雲南府富民縣界四十五

里西南至楚雄府定遠縣界八十六里東北至會  
理州界三百里西北至會理州界三百十里自州

治至

京師一萬八百三十里明為武定軍民府

本朝初因之乾隆三十年裁軍民府之名稱為武定

府三十五年改為直隸州凡領縣二

元謀縣

在州西一百九十里初屬武定府乾隆三十五年屬武定州

祿勸縣

在州東北二十里初屬武定府乾隆三十五年改為縣屬武定州



廣西州在省治東南四百里東西距四百三十里  
南北距三百八十五里東至廣南府界三百里西  
至臨安府寧州界一百三十里南至臨安府阿迷  
州界二百里北至曲靖府陸涼州界一百八十五  
里東南至廣南開化二府界三百六十里西南至  
阿迷州界二百里東北至曲靖府羅平州界二百  
六十四里西北至陸涼州界一百里自州治至  
京師一萬九百六十五里明為廣西府領州三

本朝初因之康熙八年省維摩州改置三鄉縣九年  
省縣入師宗州乾隆三十五年改為直隸州凡領

縣二

師宗縣

在州北八十里初屬廣西府  
乾隆三十五年改為縣屬州

彌勒縣

在州西九十里初屬廣西府  
乾隆三十五年改為縣屬州

元江州在省治西南七百九十里東西距三百里

南北距二千一百里東至臨安府石屏州界一百

里西至鎮沅州界二百里南至車里土司界一千

六百里北至楚雄府南安州界五百里東南至交  
趾老撾界一千三百四十里西南至普洱府界四  
百七十里東北至臨安府甯莪縣界五百里西北  
至鎮沅州界四百里自州治至

京師一萬一千二百八十五里明洪武中為元江府  
永樂初改為元江軍民土府領土州二

本朝順治六年改設流官省奉化恭順二州入之雍  
正十年以臨安府之新平縣來屬乾隆三十年裁

軍民府之名稱為元江府三十一年增置土司三十五年改為直隸州凡領縣一土司二

新平縣

在州北二百里舊屬臨安府雍正十年屬元江府乾隆三十五年屬州

猛竜土司

在整欠土司屬地之外謂之沙人向不通中國其屬有七十餘寨地圖二千餘

里乾隆三十一年以平定莽匪其頭目以護猛舉衆內附授土指揮同知職

補哈土司

在猛竜土司之西亦接整欠土司界向不通中國乾隆三十一年以平定莽匪

其頭目噶第牙翁舉衆內附授土千總職

鎮沅州在省治西南一千二百里東西距三百四

十里南北距六百九十里東至元江州界一百里  
西至順寧府雲州界二百四十里南至車里土司  
界六百三十里北至景東廳界六十里東南至普  
洱府界八十里西南至景東廳界三百里東北至  
元江州新平縣界二百九十里西北至蒙化廳界  
三百里自州治至

京師一萬二千四百五十里明洪武時置鎮沅土州

永樂中升為土府

本朝初因之雍正五年改設流官稱鎮沅府增置恩  
樂縣乾隆三十五年改為直隸州凡領縣一

恩樂縣

在州北六十里明置者樂甸長官司本  
朝雍正五年改置恩樂縣初屬鎮沅府乾

隆三十五年  
屬州

永北廳在省治西北一千二百里東西距三百七  
十三里南北距五百八十一里東至四川鹽源縣  
界三百四十八里西至鶴慶州界二十五里南至  
大理府賓川州界一百十三里北至蒙番界四百

六十八里東南至大姚縣治二百五十里西南至  
大理府鄧州界八十里東北至蒙番界三百九十  
里西北至麗江府界一百十里自廳治至

京師一萬一千七百里明洪武十五年改為州  
屬鶴慶軍民府二十九年置瀾滄衛以州屬之隸  
雲南都司正統七年改為直隸州

本朝初因之康熙五年改隸大理府二十六年裁衛  
入州三十一年仍為直隸州三十七年升為永北

府領土府一乾隆三十一年以其地事簡裁知府  
視蒙化景東二府之例改設掌印同知管轄三十  
五年改為廳

蒙化廳在省治西八百二十里東西距二百里南  
北距二百九十五里東至大理府趙州界五十里  
西至順寧府界一百五十里南至順寧府雲州界  
一百九十里北至趙州界一百里東南至景東  
廳界一百三十里西南至雲州界一百五十里東



北至趙州界五十里西北至永昌府永平縣界一百七十里自廳治至

京師一萬一千四百十里明正統中復為蒙化土府本朝初因之康熙四年置流官設蒙化府掌印同知管轄乾隆三十五年改為廳

景東廳在省治西南一千一百八十里東西距三百四十里南北距四百三十里東至楚雄府南安州界一百二十里西至順寧府雲州界二百二十

里南至鎮沅州界二百九十里北至蒙化廳界一  
百四十里東南至鎮沅州恩樂縣界一百三十五  
里西南至順寧府界三百里東北至楚雄府鎮南  
州界一百三十里西北至蒙化廳界三百里自廳  
治至

京師一萬一千六百里明洪武中為景東土府

本朝初因之康熙四年置流官設景東府掌印同知  
管轄乾隆三十五年改為廳

威遠廳在省治南一千五百九十里東西距五百  
八十里南北距三百八十里東至普洱府界二百  
三十里西至順寧府界三百五十里南至普洱府  
思茅廳界二百四十里北至鎮沅府界一百四十  
里自廳治至

京師九千七百九十里明為威遠土州

本朝初因之雍正三年改置流官設直隸威遠撫夷

清餉同知治此



皇朝文獻通考卷二百八十九

欽定四庫全書

皇朝文獻通考卷二百九十

輿地考 二十二

貴州省

臣等謹按馬氏輿地考於荊州境內備列費思夷播珍漆諸州皆今之貴州地夫古荊州以嶺嶠為限說者謂自己東踰江而南為四川酉陽州又迤邐而東南經湖南之永順辰州沅州府及靖州西

境訖廣西越城嶺而止今貴州全境並在嶺嶠以西自非荊州疆宇所及矣蓋黔省本處梁州徼外於古號為鬼方殷時去夏未遠而有鬼方之伐為化外之域可知隋唐以後開置羈縻諸州而旋或淪陷元初尚稱為羅施鬼國則其荒遠僻陋固與內地之夙登郡縣者不同也以今日黔中形勢論之東楚西滇南粵北蜀實界四省之中居然腹裏之地特以山箐阻深羣蠻錯處故前代率以荒徼

視之明時漸治以中土之法增設流官分為一省  
東西千里南北三百餘里於諸省之中壤地為狹  
我

國家改易衛所俱置州縣又益以四川湖南廣西附  
近之府州縣南北之境幾與東西埒至於古州八  
寨諸苗伊古不通聲教自經

聖朝戡定以來設官臨治等於齊民黔之四封屹然有  
截洵所謂文德誕敷有苗來格者歟



貴州明洪武初分屬雲南湖廣四川十五年置貴州都指揮使司永樂十一年以思州二十二長官司分置思州石阡黎平新化四府以思南十七長官司分置思南銅仁鎮遠烏羅四府而於貴州設貴州等處承宣布政使司以總八府仍與貴州都司同管貴州宣慰司十三年改普安安撫司為直隸普安州宣德九年以新化府省入黎平府正統三年以烏羅府省入思南銅仁二府又改安順州

永寧鎮寧州俱為直隸州成化十二年置程番府  
弘治七年置都勻府隆慶三年改程番府為貴陽  
府萬歷二十九年分播地為二郡以關為界關外  
屬貴州為平越府關內屬四川為遵義府其二府  
與貴陽府俱加稱軍民府三十年升安順州為安  
順軍民府後改直隸永寧鎮寧普安三州俱屬安  
順府共為貴陽思州石阡黎平思南銅仁鎮遠都  
勻安順平越十府以都指揮使司領貴州等十八

衛及黃平等守禦千戶所

本朝初因之順治十五年設貴州巡撫及布政使司  
按察使司皆駐貴陽府設雲南總督兩省互駐康  
熙元年專設貴州總督駐安順府四年復為雲貴  
總督亦駐貴陽時以平定水西改設流官以水西  
宣慰司之水西城置黔西府以比喇壩置平遠府  
以大方城置大定府又改四川之烏撒軍民府為  
威寧府來屬二十二年移雲貴總督駐雲南仍轄

二省二十三年改黔西平遠二府為州屬於大定  
府二十六年又改大定府為州與黔西平遠二州  
俱屬威寧府雍正五年增置南籠府七年定雲貴  
廣西共一總督改四川之遵義府來屬復升大定  
州為府降威寧府為州以屬之乾隆元年設貴州  
總督兼攝巡撫事十二年仍與雲南共一總督專  
設貴州巡撫凡領府十三各衛所以次裁併入州  
縣惟古州台拱清江八寨丹江凱里黃平等衛於

乾隆二年開置專理苗疆軍屯事務東西距一千九十里南北距七百七十里東至湖南辰州府界五百四十里西至雲南曲靖府界五百五十里南至廣西慶遠府南丹州界二百二十里北至四川重慶府界五百五十里東南至廣西泗城府西隆州界三百五十里西南至雲南曲靖府界五百三十里東北至辰州府界五百二十里西北至雲南東川府界五百六十里在

京師西南七千六百四十里

貴陽府為省治東西距一百五十里南北距三百  
七十里東至都勻府麻哈州界一百二十里西至  
安順府清鎮縣界三十里南至南籠府永豐州界  
二百二十里北至遵義府遵義縣界一百五十里  
東南至麻哈州界一百二十里西南至永豐州界  
一百二十里東北至遵義縣界二百十里西北至  
清鎮縣界六十里自府治至

京師七千六百四十里明洪武四年置貴州宣撫司  
六年升為宣慰司隸四川永樂十一年始置貴州  
布政使司以貴州宣慰司及所領地方隸之成化  
十年置程番府在今府南定番州境隆慶二年移  
府治於今省城改為貴陽府萬歷二十九年改為  
貴陽軍民府

本朝初因之康熙三年平水西宣慰司以所領長官  
司皆歸府轄十一年改置龍里縣二十六年罷軍

民府之名稱為貴陽府又改置貴筑縣及修文縣  
以平越府之貴定縣來屬三十四年省新貴縣入  
貴筑縣雍正四年開置長寨廳凡領州三縣四廳

一長官司二十四

貴筑縣

附郭明隆慶六年置新貴縣  
本朝康熙二十六年廢貴州貴前二衛改置貴筑縣

與新貴縣並為府治三十  
四年省新貴縣入貴筑縣

龍里縣

在府東五十里明洪武二十三年置  
龍里衛本朝康熙十一年改置縣

貴定縣

在府東一  
百五十里



修文縣

在府北五十里明崇禎三年置敷勇衛及  
修文等四守禦所本朝康熙二十六年

改置修

文縣

開州

在府東一  
百二十里

定番州

在府南  
一百里

廣順州

在府西南  
一百十里

長寨廳

在府西南一百七十里本化外狝苗地  
本朝雍正四年平之設同知治其地

中曹長官司

在府南  
十五里

白納正副長官司

在府北  
七十里

養龍長官司

在府北二百二十里

大谷龍長官司

在龍里縣西北

羊場長官司

在龍里縣東北

新添長官司

在貴定縣境

平伐長官司

在貴定縣南

大平伐長官司

在貴定縣南三十里

小平伐長官司

在貴定縣西南五十里

底寨正副長官司

在修文縣北



乘西正副長官司

在開州東北六十里

程番長官司

在定番州東二十五里

小程番長官司

在定番州西北五十里

金石番長官司

在定番州東二十五里

大龍番長官司

在定番州東三十里

小龍番長官司

在定番州東南二十里

方番長官司

在定番州南八里

卧龍番長官司

在定番州南五十里

羅番長官司

在定番州南三十里

盧番長官司

在定番州北五里

韋番長官司

在定番州南五里

上馬橋長官司

在定番州西北二十里

木瓜正副長官司

在定番州西七十里

麻嚮長官司

在定番州西七十五里

思州府在省治東五百十里東西距一百九十里

南北距二百六十里東至湖南沅州府芷江縣界

九十里西至鎮遠府天柱縣界一百里南至黎平  
府開泰縣界一百十里北至銅仁府銅仁縣界一  
百五十里東南至沅州府界二十里西南至鎮遠  
府界四十五里東北至銅仁府界一百一十里西  
北至銅仁府界一百二十里自府治至

京師七千三百八十里明洪武五年分置思州宣慰  
司於此隸湖廣永樂十一年改置思州府隸貴州  
布政使司

本朝初因之雍正五年改置玉屏清溪二縣凡領縣

二長官司四

玉屏縣

在府南一百里明洪武二十三年置平溪衛隸湖廣都司本朝雍正五年來屬改

置玉屏縣

清溪縣

在府東九十里明洪武二十三年置清溪衛隸湖廣都司本朝雍正五年改置清

溪縣

都坪正副長官司

附府

都素正副長官司

在府西北九十里

施溪長官司

在府北二百二十里

黃道溪正副長官司

在府東北一百二十里

石阡府在省治東北四百八十里東西距四百四

十里南北距六十五里東至銅仁府銅仁縣界八

十里西至遵義府正安州界三百六十里南至鎮

遠府天柱縣界十五里北至思南府安化縣界五

十里東南至思州府界六十里西南至平越府餘

慶縣界六十里東北至思南府印江縣界一百七

十里西北至平越府湄潭縣界十里自府治至

京師七千三百八十里明洪武初屬思南宣慰司永樂十一年改置石阡府隸貢州布政使司

本朝因之領縣一長官司一

龍泉縣

在府西二百五十里

石阡副長官司

在府西北

黎平府在省治東一千里東西距四百七十里南北距四百三十里東至湖南靖州界一百八十里



西至都勻府獨山州界二百九十里南至廣西柳  
州府懷遠縣界一百六十里北至鎮遠府天柱縣  
界二百八十里東南至靖州通道縣一百六十里  
西南至都勻府荔波縣界二百三十里東北至靖  
州會同縣界九十里西北至鎮遠府屬邛水土司  
界八十里自府治至

京師七千里明永樂中置黎平新化二府隸貴州宣  
德十年以新化省入黎平萬歷二十八年改隸湖

廣三十一年還隸貴州布政使司

本朝初因之雍正五年改置開泰錦屏二縣七年開

置古州廳凡領縣三廳一長官司十

開泰縣

附郭明洪武十八年置五開衛隸湖廣都司本朝雍正三年來屬五年改置開泰

縣為府治

錦屏縣

在府東北一百二十里明洪武三十年置銅鼓衛後廢永樂三年復置隸湖廣都司

本朝雍正三年來屬五年改置錦屏縣

永從縣

在府南六十里

古州廳在府西一百八十里唐宋時所通之古州為外古州其裏古州向為化外生苗地

本朝雍正七年平之設同知治其地

洪州泊里正副長官司在府東一百五十里

潭溪正副長官司在府西南三十里

新化蠻夷長官司在府西北六十里

古州長官司在府西北八十里

龍里長官司在府西北九十里

中林長官司在府西北一百里

八舟長官司

在府北  
二十里

歐陽正副長官司

在府北  
九十里

亮寨長官司

在府北  
一百里

湖耳正副長官司

在府東北  
一百二十里

思南府在省治東北六百里東西距四百里南北

距五百六十里東至銅仁府銅仁縣界一百里西

至遵義府正安州界三百里南至石阡府界六十

里北至四川重慶府彭水縣界五百里東南至銅

仁府界一百八十里西南至鎮遠府界五十五里  
東北至四川平茶土司界三百七十里西北至鎮  
遠府界二百十五里自府治至

京師七千三百九十五里明洪武七年置思南宣慰  
司隸湖廣永樂十一年改置思南府隸貴州布政  
使司

本朝因之領縣三長官司三

安化縣

附郭

婺川縣

在府西  
四百里

印江縣

在府南  
四十里

蠻夷正副長官司

在府治  
西境

朗溪正副長官司

在府東  
八十里

沿河祐溪副長官司

在府北  
二百里

銅仁府在省治東六百六十里東西距一百七十

里南北距二百七十里東至湖南沅州府界六十

里西至思南府安化縣界一百十里南至思州府

界七十里北至四川重慶府彭水縣界二百里東南至思州府界二十五里西南至思州府界一百三十里東北至湖南辰州府界一百六十里西北至思南府界七十里自府治至

京師七千二百里明洪武初置銅仁長官司永樂十一年置銅仁府隸貴州布政使司

本朝因之雍正八年開置松桃廳凡領縣一廳一長官司四

銅仁縣

附郭

松桃廳

在府西南一百里本化外紅苗地  
本朝雍正八年平之設同知治其地

省溪正副長官司

在府西一百里

提溪正副長官司

在府西一百四十里

烏羅正副長官司

在府西二百里

平頭著可正副長官司

在府北一百二十里

鎮遠府在省治東三百八十里東西距一百二十

五里南北距二百五里東至思州府清溪縣界三



十里西至平越府黃平州界九十五里南至黎平  
府界一百二十五里北至石阡府界八十里東南  
至湖南靖州界二百六十里西南至平越府黃平  
州界七十里東北至思州府界四十里西北至石  
阡府界八十里自府治至

京師七千二百六十里明洪武五年置鎮遠州隸湖  
廣永樂十一年仍置鎮遠府改隸貴州布政使司  
正統二年省州入府

本朝初因之雍正八年開置清江廳十一年開置台  
拱廳又以黎平府之天柱縣來屬凡領縣三廳長

官司二

鎮遠縣

附郭

施秉縣

在府西南六十里

天柱縣

在府東南一百八十里舊屬湖南靖州雍正五年改屬黎平府十一年自黎平府來

屬

清江廳

在府西南一百九十里本化外生苗地本朝雍正八年平之設同知治其地

台拱廳

在府南一百三十九里本化外九股苗地本朝雍正十一年平之設同知治其地

邛水長官司

在府東南八十里

偏橋正副長官司

在府西六十里

都勻府在省治東南三百里東西距二百二十里  
南北距四百五十里東至黎平府古州界一百里  
西至貴陽府貴定縣界一百二十里南至廣西南  
丹州界三百五十里北至平越府平越縣界一百  
里東南至古州界二百五十里西南至貴陽府定

番州界一百八十里東北至平越府黃平州界三十里西北至平越縣界六十里自府治至

京師七千五百六十里明洪武十六年置都雲安撫司隸四川二十三年改置都勻衛軍民指揮司永樂十七年改隸貴州都司弘治六年置都勻府隸貴州布政使司

本朝初因之康熙十一年改置都勻縣雍正八年開置八寨丹江都江三廳十一年又以廣西慶遠府

之荔波縣來屬凡領州二縣三廳三長官司七

都勻縣

附郭明都勻衛 本朝康熙十一年改置都勻縣為府治

麻哈州

在府北五十里

獨山州

在府西南一百二十里

清平縣

在府東北一百十里明弘治八年置縣本朝康熙七年省入麻哈州十一年復置

荔波縣

在府西南二百里舊屬廣西慶遠府雍正十年改屬都勻府

八寨廳

在府東九十里明為天墻土司地後廢為化外地 本朝雍正六年平之設同知治

其地

丹江廳

在府東一百六十里本化外生苗地  
本朝雍正六年平之設通判治其地

都江廳

在府東二百四十里本化外生苗地  
本朝雍正六年平之設通判治其地

都勻正副長官司

在府南七里

邦水長官司

在府西二十里

樂平長官司

在麻哈州北四十里

平定長官司

在麻哈州北一百里

豐寧上長官司

在獨山州東南一百四十里

豐寧下長官司

在獨山州東南一百四十里

爛土長官司

在獨山州東  
一百十里

安順府在省治西一百八十里東西距三百十里  
南北距一百六十里東至貴陽府貴筑縣界一百  
四十里西至南籠府安南縣界一百七十里南至  
南籠府永豐州界一百里北至大定府平遠州界  
六十里東南至貴陽府廣順州界四百里西南至  
安南縣界四百五十里東北至大定府黔西州界  
四百里西北至平遠州界一百里自府治至

京師七千八百二十里明洪武十四年置普定府十  
六年又析置安順州屬之十八年府廢以州屬普  
定衛隸四川正統三年改隸貴州布政使司萬歷  
中升安順州為安順軍民府

本朝初因之順治十八年增置普安縣康熙十一年  
改置普定縣二十六年改置清鎮安平安南三縣  
並增置南籠廳罷軍民府之名稱為安順府雍正  
五年升南籠廳為府以普安州及普安安南二縣



往屬八年開置歸化廳九年開置郎岱廳凡領州

二縣三廳二長官司五

普定縣

附郭明洪武初置普定衛本朝康熙十一年改置普定縣為府治

永寧州

在府西一百四十里

清鎮縣

在府東一百二十里明置威清鎮西二衛本朝康熙二十六年改置清鎮縣

安平縣

在府東六十里明洪武二十三年置平壩本朝康熙二十六年改置安平縣

鎮寧州

在府西五十五里

郎岱廳

在府西一百六十里本郎岱土司地本朝康熙五年平之雍正五年設同知治其

地

歸化廳

在府南一百六十里本康佐土司及狝苗地  
本朝雍正十二年設通判治其地

頂營長官司

在永寧州南一百五十里

募役長官司

在永寧州西一百七十里

沙營長官司

在永寧州境

西堡副長官司

在郎岱廳境

康佐副長官司

在歸化西境

南籠府在省治西北五百八十里東西距七百四

十里南北距四百五里東至廣西泗城府界五百  
里西至雲南羅平州界二百四十里南至廣西西  
隆州界一百二十五里北至安順府永寧州界二  
百八十里東南至西隆州界二百四十里西南至  
羅平州界二百四十里東北至永寧州界六百十  
里西北至大定府平遠州界三百六十里自府治  
至

京師八千二百二十里明洪武二十三年置安籠守

禦所屬普安衛隸貴州都司弘治十一年分安籠所之阿能等十八寨隸廣西萬歷四十二年仍還隸貴州

本朝初因之康熙二十五年改安籠所為南籠廳移安順府通判駐其地雍正五年升為府分廣西泗城府西隆州所屬紅江以北之地設永豐州又以安順府之普安州及普安安南二縣來屬凡領州二縣二

永豐州

在府東北九十里宋泗城州地明為安龍長官司地本朝雍正五年改置永豐州

普安州

在府西三百五里舊屬安順府雍正五年改屬南龍府

普安縣

在府東南二百四十里本馬乃夷地本朝順治十八年平之置普安縣屬安順府

雍正五年改

屬南龍府

安南縣

在府北一百九十里明洪武二十三年置安南衛本朝康熙二十六年改置縣屬

安順府雍正五

年改屬南龍府

大定府在省治西北三百三十里東西距七百五

十五里南北距五百十里東至貴陽府修文縣界

二百三十里西至雲南東川府界五百二十五里  
南至安順府鎮寧州界二百六十里北至四川敘  
州府永寧縣界二百五十里東南至遵義府遵義  
縣界一百里西南至南籠府普安州界三百八十  
里東北至遵義府界二百五十里西北至雲南昭  
通府界五百四十里自府治至

京師七千九百二十里明洪武四年置宣慰司隸四  
川六年復為宣慰司永樂年間改隸貴州布政使

司

本朝初仍為水西宣慰司康熙三年討平之改置大定及平遠黔西三府二十三年改平遠黔西二府為州屬於大定府二十六年復改大定府為州屬威寧府又改置永寧畢節二縣俱隸於威寧雍正七年移永寧縣往屬四川復以大定為府改威寧為州以屬之十一年增置水城廳凡領州三縣一

廳一

平遠州

在府南八十里明水西宣慰司地 本朝康熙三年改置平遠府尋降為州屬大定

府後改屬威寧府雍正七年還屬大定府

黔西州

在府東南一百四十里明水西宣慰司地 本朝康熙三年改置黔西府尋降為州

屬大定府後改屬威寧府雍正七年還屬大定府

威寧州

在府西二百九十里明洪武十四年置烏撒軍民府隸四川 本朝康熙三年改置

威寧府隸貴州雍正七年降為州屬大定府

畢節縣

在府北六十里明洪武時置畢節衛 本朝康熙二十六年改為縣屬威寧府雍正

七年改屬大定府



水城廳

地在府西南三百二十里明為水西宣慰司本朝平水西於雍正十一年設通判

治其地

平越府在省治東一百七十里東西距三百十里  
南北距四百二十里東至鎮遠府施秉縣界一百  
五十里西至貴陽府開州界一百六十里南至都  
勻府都勻縣界六十里北至思南府婺川縣界三  
百六十里東南至都勻府清平縣界六十里西南  
至貴陽府貴定縣界五十里東北至遵義府遵義

縣界二百五十里西北至開州界一百八十里自  
府治至

京師七千五百里明洪武十四年置平越衛隸四川  
尋改隸貴州都司萬歷二十八年兼置平越軍民  
府

本朝初因之康熙十一年增置平越縣二十六年罷  
軍民府之名稱為平越府凡領州一縣四長官司  
二

平越縣

附郭明洪武時置平越衛本  
朝康熙十一年改置縣為府治

甕安縣

在府北  
六十里

湄潭縣

在府北二  
百二十里

餘慶縣

在府東北一  
百四十里

黃平州

在府東一百二十里舊治今州西北境  
康熙二十六年移州於興隆衛故地為

治今

楊義長官司

在府東  
三十里

巖門長官司

在黃平州  
東北境

遵義府在省治東北二百五十里東西距七百九  
十里南北距三百六十里東至平越府湄潭縣界  
一百五十里西至四川敘永廳界六百四十里南  
至貴陽府修文縣界一百二十里北至四川重慶  
府綦江縣界二百四十里東南至思南府婺川縣  
界一百五十里西南至大定府黔西州界一百五  
十里東北至重慶府涪州界五百里西北至四川  
瀘州界四百三十里自府治至

京師七千九百二十里明洪武四年歸附仍曰播州  
宣撫司六年升宣慰司萬歷二十九年始改置遵  
義軍民府隸四川布政使司

本朝初因之康熙二十六年罷軍民府之名稱為遵  
義府雍正七年改隸貴州凡領州一縣四

遵義縣

附郭

桐梓縣

在府北一百二十里

綏陽縣

在府東一百里

正安州

在府東三百六十里舊治今州東北境康熙中移今治

仁懷縣

在府西北一百八十里舊治今縣西境康熙中移今治

臣等謹按貴州地號黔中考秦之黔中郡治在今

湖南辰州府沅陵縣西境漢改黔中為武陵郡移

治義陵在今辰州府敘浦縣境其今之沅州常德

永順三府及澧靖諸州皆黔中之地在古荊州境

內者也自宇文周以故巴郡涪陵縣地置黔州與

古黔中地犬牙相錯隋為黔安郡唐亦為黔中郡

治彭水縣在今四川酉陽州境乃荊州西界及梁州南界其所領羈縻諸州即今之石阡思南平越遵義等府在荆梁二州徼外者也馬考承杜佑之舊以唐黔州都督所領費思夷播珍漆諸州統入古荊州境蓋因黔中之名與古相亂遂混而為一其實秦漢之黔中在今之湖南隋唐之黔中在今之貴州其地原各不相同云

皇朝文獻通考卷二百九十